



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXX.

urn:nbn:de:hbz:466:1-42840

gulis totius vite suae Sabbatis ieiunaturum, si certior
 ea de re quodemuncunq; modo fieri mereretur. Ab-
 sente Rectore, breui post illud votum, in templo,
 Sacristano Petrus Blaenz Coadiutor non ita pri-
 dem extinctus apparuisse fertur, & dixisse: iussu
 Dei, dantis id precibus Ioannis Bitter, & Petri
 Rhor (qui & ipse diem tunc istic obierat) adsum:
 & iubeo te referre Rectori tuo, & alijs; Ioannem
 Bitter altero sacro è purgatorij flammis ereptum;
 Petrum Rhor breuiori tempore peccatis expiatis ad
 caelos abiisse. Postridie idem splendidissime, &
 alba in veste, ac vultu collucente adfuit eidem in
 templo: & obseruasti, inquit, quae heri tibi de-
 mandani Rectori referenda? Caue excidant me-
 moria, & scribe. Haec nempe ab vno Rectoris vo-
 to Sabbatino felicem originem duxere.

ANNO MDCXXX.

758 P. Ioannes Saller Dei Matri religiose co-
 lendae perquam addictus, Ratisbonae in templo
 veteris capellae, à Beatissima Virgine certior factus
 dicitur, se esse praedestinatum ad aeternam gloriam
 Beatorum.

759 Etiam Marcellus Scaglione vidit Beatissi-
 mam Virginem in veste stellis aureis distincta, vt
 perhibet eius elogium.

760 P. Gisbertus Mocking aeger olim Beatissi-
 mam Virginem luce mira circumdatam laetus vi-
 disse sibi videbatur, à qua sanitatem simul obtinuit,
 sperare Societatem quoque iussu, ac viam etiam
 ab illa qua eundem ad illam esset edoctus. Vesperi
Salve Regina expansis brachijs recitabat.

761 P. Ioannes à Gouda praecleara facundia pro-
 nos alias Belgarum animos in concione aliasque
 permouit, vt Sabbato, solenne certo quodam loco
 per

ob. 1630.
Monachij

ob. Messa-
nae 1630.

ob. 1630.
in Rheno
sup.

Vesperi.

ob. 1630.
Sabbato.
Bruxellis.

*Constātia.
Sabbatū.*

per totum annum de B.V. sacrum cantaretur. Iam inde à septimo ætatis anno ad vitæ vsq; finē Sabbatino ieiunio coluit DEI Matrem, ardentissimis eodem die ad populum allocutionibus vnicè commendatus. S. Bonauentura, vbi laudauit eum qui *relatu virtutum B.V. non fatigatur, adiecit: Exortum est in corde illius lumen Dei: Spiritus S. illuminat intelligentiam eius.*

Pf. III.

*ob. 1630.
Insulis.*

762 P. Antonius de Balinghen (quem à morbo non semel aiunt per Deiparam restitutum) edidit *Inuentarium Reliquiarum B. Virginis: Omnipotentem Belatricem Deiparam: Meditationes de doloribus Deiparam: motiua 12. ad sapius iterandum Ave Maria: de B. V. Esquermensi: de cultu imaginis B. V. Foyensis: Ephemerides, siue Calendarium B. V.* Illius est etiam editus Duaci *Parnassus MARIANUS, seu flos hymnorum & rhythmorum de SS. Virgine MARIA & priscis tum Missalibus tum Breuiarijs plus sexaginta.* Adiecit post singulorum festorum hymnos, è S. Bernardo, Augustino, & alijs, *Stimulos ad sacrosanctæ Deiparæ cultum, & inuocationem.* Creditur sub finem vitæ (cùm diu vi morbi fuisset à mente alienus) sibi restitutus ope Deiparæ.

ob. 1630.

763 Ad B. Virginem aspirare solebat sapius per cor IESV P. Arnoldus Cathius: vicissim singulis horis laudabat patientem CHRISTVM, per MARIA dolentis cor. Noctu B. V. rosarium è brachio suspendebat. Immaculatæ Conceptionis officium Belgico sermone donauit. De corde B. Virginis ita S. Bonauentura: *Omnis salus de corde illius.*

Pf. 79.

*Aue Maria pro du-
ris recita-
re.*

764 Annales Aragoniæ hoc anno adolescentem narrant, quem cùm confessarius noster ad veniam inimico dandam permouere non posset, ei persuasit, vt vnà secum ter Salutationem Angelicam pro-

pronunciaret. Vix id factum: & iuuenis tremens
mox remisit iniuriam, & veniam ab hoste petiuit.
Gerundæ hoc eodem anno Ecclesiastes noster toti
concioni *Aue MARIA* pro quodam obstinato indi-
xit: & mox à concione ferreus ille hætenus homo
se ad eius pedes abiecit, planè conuersus. S. Ioseph
Græcus: *Fortitudo*, inquit, *humilium*, & *lucerna*
lucida facta es.

m. f. 22.
Nov.

765 P. Ioannes Bapt. Martinengus edidit Italicè
opus, cui titulus: *Helice deuotis B.V. Deiparæ*. P. Io-
sephus Alemannus scripsit *Historiam miraculosæ ima-*
ginis B. V. ad Montem Regalem in subalpinis.
P. Leonardus Bagnus edidit hoc anno Viennæ Au-
striæ præstans Manuale Sodalitatis Imm. Concep-
tionis, postea valdè auctum. P. Melchior Inchoffer
hoc anno Messanæ impressit coniectationem de
Epistola B.V. ad Messanenses. Scripsit etiam, incer-
tum an ediderit, *Chronotaxim vitæ B. Virginis*: &
aliud opus illud acroama explicans; *Tu sola cun-*
ctas hæses interemisti in vniuerso mundo. P. Nico-
laus Zucchius hoc anno in lucem edidit Italicè, sæ-
pius postea recusam *Directionem seruitutis Sanctissi-*
mo puero Iesu, & B. Virgini.

ob. 1630.
Bononiæ
ob. 1630.
Asti.

766 P. Benedictus Fernandus Lusitanus nullam
lectionem faciebat, cui de B. Virgine non aliquid
attemperatè illigaret: nihil impressit quod non
Deiparæ dedicârit. Inter graues dolores, ad ip-
sius propè mortis periculum excruciatum, Deipa-
ram non sinè lachrymis implorauit; & statim con-
sanuit. Hermannus Ioseph ad B. V. *Te qui quæ-*
rit, nunquam perit.

ob. 1630.
8. Dec.

in cod. m.
f. hymn.
vet.

767 Georgius Stecker Coad. 34. annos natus,
cùm auditu esset hebetiore, tempus quod alijs ad
colloquendum concessum est, euoluendis Deiparæ

ob. 1630
16. Apr.
Ebersp.

coronis dabat in templo coram SS. Sacramento. id acturus ibat per gradus ad templum; & fallente pede cecidit ac decessit repertus à morte in opere sancto. *In futuro seculo*, inquit Idiota, glorificabit seruientes sibi.

In prologo.

768 Pijs Deiparæ colendæ monitis imbuere iuuentutem, & ad constantiam firmare quanti sit, Antuerpiæ hoc anno luculenter ostendit is qui mendacium coram Matre ac suis periurio affirmabat, diris se deuouens, nisi verum diceret. Aiunt literæ; mox cubiculum omne ululatu horribili personuisse; omnes domesticos contremuisse, ac in genua supplices accidisse: iuuenem se per conscium inelamasse vt Pater de Societate accerferetur: accuruisse Patrem, & iuueni confessionem persuasisse, atque omnia tranquillata fuisse. Interrogatus iuuenis; vnde sibi auxilium adfuisse crederet in tanto discrimine; respondit: A Deipara: cuius ille aiebat imaginem se nunquam præteruuisse quin eam salutârit illis verbis: *salue, Mater Misericordiæ!* quod consilium in scholis nostris aliquando à Magistro id impensè suadente se hausisse dicebat. S. Ioannes Damasc. *Ignorantiæ*, ait, *callo durissimo obductum, grauis pusillanimitatis gemitu oppressum, angustia tenebris obtectum, & totum à peccatis perturbatum, periculis implicatum, age, ò purissima, velociter libera me.*

Iuuentuti dare documenta cœdi B. V.

Illam in imaginibus salutare.

m. J. fer. 6.

769 Hoc anno Neapolitanis typis lucem aspexit P. Antonij Capecij, liber de excellentijs B. V. vbi eius festa dotisque piè ac eruditè profequitur.

ob. 31. Iul. 1630. Castellione.

770 P. Petrus Iustinellus, tunc iuuenis, coram Præfide Sodalitatis B. V. flexis genibus Beatissimæ Virgini factus est supplex, vt ab illa dignus efficeretur Societate Iesu. Postea in Societate cum.

cum esset, illam Deiparæ colendæ industriam induxit, ut cætus inopum sceminarum quæ ad filia-
 ducenda conueniunt, pro fabulis (quæ istic texti
 solebant) Litanias B. Virginis recitaret, atque
 istic piæ de B. Virgine historiæ narrarentur. In
 templo coram ara B. V. quotidie prolixè orauit.
 Aiebat, se illius esse ab utero: quippe illi à Matre
 sua voto nuncupato dedicatum. Sabbato, ut Dei-
 paræ de illius excellentijs gratularetur, humi pro-
 uolutus, pedes duodecim sociorum osculabatur.
 Sabbato Societatem ingressus, illam pro duce
 elegerat. S. Ioseph: *Tu dux es infallibilis, atque
 omni errore carens eorum qui confidunt in te.*

*In labo-
 ribus, il-
 lius me-
 minisse.*

*m. f. 24.
 Tul.*

771 P. Marcellinus Albergottus, præter caelestia
 de B. V. colloquia, Sabbatinam seueritatem in
 corpus, ac sublimes alios de illa inter scribendum,
 ac loquendum sensus, ita in exercitijs S. Patris de
 illa scribit: *Hanc mihi parentem exquirere dam volui,
 Christo me aliquando parituram in virum perfectum.*
 Plura de illo Heroes hoc anno. Gaude, ait idem,
 S. Ioseph Hymnographus, *gaude pons, qui verè
 transmittis à morte ad vitam omnes laudantes te.*

*ob. 1630.
 10. Nou.
 Florentig.*

*In horo-
 logio im-
 presso Ve-
 netijs à
 fol. 537.
 ode 4.*

ANNO MDCXXXI.

772 P. Didacus Bartholomæus de Saura, 18. De-
 cembri die per quietem se velut in templo à pue-
 ro Iesu Matris amplexibus insidente sensit vocari
 his verbis: *Bartholomæe, amice mi! mi Sacerdos. Erant,*
 inquit idem, *meæ meditationes de Christo, eiusque
 Matre; quos ita mihi representabam, ac si reipsa ades-
 sent; & prostratus ad ipsorum pedes recitabam rosarium
 tanta pace & tranquillitate, nusquam cogitatione distra-
 cta cum ipsis loquens, ut planè mihi viderer ipsis adesse:
 & persentiscebam affectus amoris, cupiditatem ipsis ser-
 uiendi, suauitatem animi admirabilem. Alias simul*

*Humili-
 tas.
 Oratio.*